






अध्याय 4

कागोज रेयाक् कारीगोल

नोआ अध्यायरे, आपे दो कागोजगे मित् मोने ओओराक् आर हुनार लेकातेपे बाडाय दाडेयाक्आ। आपे दो कागोज लाटुम, गेत् आर किचरीच् तेज सोदोर लेकान आयमा लेकान टेकनीककोपे बेवहारा। नोआ साँवते, आपेदो कागोज गेत् रेयाक् 'सांझी' लेकान भारोतीया हुनार पोरोम्पोरा बाबोत होंपे बाडाय आरपे सेंडौया। आपेदो नोआ आयमा लेकान सामागिरी साँव बेवहारोक् आयमा सिरज्जवानाक् होरा होंपे बाडाय।



0680CH04



जेलोक्आक् हुनार



कामीहोरा 1: कागोज लाटुम


कागोज लाटुम रेयाक् हुनार दो 'ओरिगामी' जुतुमते बाडायोक्आ। नोआदो मित् हुनार काना, जाहाँ रेयाक् उदगाउ जापानरे होयेना आर नित दो नोआ गोटा धारतीरे पासनावेना।

होय दाडैयाक्आ जे आमदो कागोज लाटुमकाते जाहाँनाक् जिनिस्को बेनावेम सेंडौँ वाकात्आ।

चेका आमदो 'सदाको आर हाजार कागजी सेराली चेंडें' काहनीम आञ्जोम आकादा? सदाको दो 11 बोछोर उमेरेन मित् हुडिज जापानी कुडी गिदराय ताहेंकाना। 1945 रे हिरोशिमा रे परमाणु बोम जुरहालेन ओसोरते उनीदो मित् बाड नापायोक् रोग जाम लेदेया। जोखोन सदाको दो हासपातालरे रान होयोक्कान ताय ताहेंना, उन जोखेन उनीरेन गाते कुडी दो उनी कागोजरेन सेराली चेंडें बेनाव रेयाक् मारे

काहनीय लाइयादेया। सदाको दो आयाक् जिबोन लाहान्ती आसकाते हाजार कागोजरेन सेराली चेंडें बेनावे एतोहोप् केदा। मेनखान 644 सेराली चेंडें बेनावकाते थोडा ओकते तायोमगे सदाको दो नोआ धारतीय बागीयादा। मेनखान उनीदो गोटा धारतीरे मित् मारे काहनी लेकाय नामडाक एना। नित हों गोटा धारती खोन होइ कागोजरेन सेराली चेंडें बेनावकाते, जापानरे गिदरावाक् शांति स्मारक रेको कोला। नोडकाकाते कागोजरेन सेराली चेंडें सान्ती रेयाक् चिनहाय बेनावेना।

आमदो कागोज लाटुमकाते आयमा लेकानाक् जिनिसेम बेनाव दाडैयाक्आ। आमरेन माचेत, गो-बाबा आर गातको ठेनखोन सेंडौँयमे जे कागोज लाटुमकाते आयमा लेकान मोने ओओर जिनिस् चेतलेकाते बेनावोक्आ।



कागोजते सेराली चेंडें बेनाव लागि आक्चु



कागोजते 'सांझी' गेत्

कामीहोरा 2: कागोज गेत्

‘सांझी’ दो मित् नोडकान पारंपरिक हुनार काना, जाहाँदो उत्तर प्रदेश रेयाक् मथुरा आर ओना आडेपासे टोठारे आड़ी चोलोनरे मेनाक्आ। नोडका बाडायोक् काना जे नोआ हुनार रेयाक् बेवहार दो आसोलरे रंगोली रेयाक् फोरमा बेक्नाव लागित् होयोक्कान ताहेंना। नेवेतार दो, नोआ फोरमा कागोज रेयाक् बेनाव ताहेंना आर आड़ी मुसकिल होराते आयमा लेकान गोड़होन आर चितारे गेत् ताहेंना।


आमदो थापना हुदिसकाते आपनाराक् आलगा फोरमा आर चितारेम बेनाव दाड़ेयाक्आ। आमदो नोआ गेत् आकात् कागोज लालटेन आर एटाक् साजाव जिनिस बेनाव लागित् होंम बेवहार दाड़ेयाक्आ।

नोण्डे थोड़ा हुदिसानाक् काथा एमाकाना। आपनारते बेवहारमे आर केलासरे गालमारावकाते नावाँनाक् हुदिसानाक् काथा लाइमे।



चेका आमेम बाडाया?


पोरोब आर एटाक् ओपसोर जोखेन सुतामरे आकावाक् कागोज, किचरीच् से प्लास्टिक रेयाक् साजावाक्को ध्वज पताका (बेंटिंग) को मेतावाक्आ। नोआ दो आड़ी रोडानगे ताहेंना। नोआरे आयमा लेकान आकार आर सोमान गोड़होन (पैटर्न) गेत्काते नोआ आरहों बाड़ती नापाय बेनाव होय दाड़ेयाक्आ!



कामीहोरा 3: कागोज गालाड

कागोज दो मित् जादुवानाक् सामागिरी काना। जेलेका आमदो लाहावाक् कामी-कासनीरेम जेलकेदा, कागोज दो आलगाते आपनाराक् रूप ए बोनोदोल दाडेयाक्आ। थोड़ा काट-छाँट आर लाटुम काते नोआ दो जिउ आर जिनिसको रेयाक् आकार ए हाताव दाडेयाक्आ।

देला, कागोज कारिगोल रेयाक् आरहों मित् होरा से गालाड साँवबोन बेवहारा। जुदी आमदो आपनार आडेपासे जाहाँन किचरीच् धेयानतेम जेला, तोबेम जामा जे नोआ केटेच्ते आर मिमित् सुतामते सीदहा तिरछाते गालाड आकाना। नोआ सीदहा-तिरछा गालाड दो तानी-भारनी होंको मेतावाक्आ। मा, कागोजते नोडका बेनाव लागित्बोन कुरुमुटूया। चितार जेलमे आर आपनाराक् पाटिया गालाड लागित् कुरुमुटूयमे।



जारी दोहोयमे: गालाड लागित् एटाक् सापाप्, जेलेका- सिरजोन सुताम, कागोज, कपास, ऊन, मात्, खोबोर कागोज, जूट, ताले, किचरीच रेयाक् बेकाराकान पट्टी एमान बेवहारमे।

